

Alitalia y USAIR ta bay coopera

ROMA -- E aerolinea italiano Alitalia y e compania aereo norteamericano USAIR Group ta bay coopera. Pasaheronan di Alitalia lo por continua nan viahenan via Boston, Los Angeles y Miami pa cuarenta otro destinacion na Estados Unidos. Pasaheronan di USAIR lo por continua via Roma y Milan pa 23 otro destinacion na Europa Oriental, Medio Oriente y Africa.

Aña pasa Alitalia a transporta 16,2 miyon pasahero pa 102 ciudad. USAIR, cu aña pasa a adquiri Piedmont Airlines, a transporta 61,2 miyon pasahero y a bula riba 135 ciudad. E unico rutanen

europico di USAIR ta pa Frankfurt y Gatwick Airport di Londres.

E convenio entre Alitalia y USAIR ta drenta na vigor dia 16 di Juni. Den e proximo cuatro aña Alitalia lo amplia su red di rutanen cu cinco aeropuerto norteamericano. Mediante e convenio aki Alitalia ta spera di aumenta su parti di mercado di transporte aereo entre Estados Unidos y Italia. E dos competidornan mas grandi riba e rutanen aki ta Panam y TWA (Trans World Airways). Aña pasa Alitalia a transporta mas o menos 700.000 pasahero entre Estados Unidos y Italia, loque ta 46 porciento di e cantidad di Panam.

Lanzamento di "Columbia" posponi

CABO CAÑAVERAL, Florida -- E lanzamiento di e trasbordador norteamericano "Columbia" cu equiponan pa un mision cientifico a wordo posponi Diamars te cu e anochi di Diarazon pa Diahuebs (awe madrugá).

Segun e agencia espacial nor-

teamericano NASA esaki tabata como consecuencia di problemanan cu yenamento di un tanki di combustible di banda pafor. E presion den e sistema di tubería a subi demasiado. E tank ta contene mas o menos dos miyon litro di hidrogeno y oxigeno liquido.

Cumbre Arabe ta condena emigracion di hudionan Sovietico

BAGDAD, Iraq -- E paisnan arabe Diarazon a condena "e emigracion di hudionan sovietico pa Palestina y den otro territorionan arabe ocupa". Den e declaracion final di e cumbre arabe na Bagdad "e caracter ilegal di e establecimiento di colonianan israeli" a wordo subraya. Ademas ta ser pidi pa un "mecanismo internacional pa supervisa y indica e actividadnan israeli riba e terreno aki". E texto di e declaracion a wordo publica pa e agencia di prensa iraqi INA.

E lidernan arabe a expresa critica fuerte riba Estados Unidos pa nan apoyo di Israel, apesar di e intentonan egipcio di limita e retorica antiamericano

na clausura di e reunion di urgencia na Bagdad.

E cumbre ademas a pidi Nacionnan Uni pa "carga nan responsabilidad y garantiza cu e emigranten hudio no ta wordo estableci den e territorionan palestino y arabe, incluyendo Jerusalem".

Na television e Secretario General di e Liga Arabe, Chedli Klibi a lesa e declaracion final den cual el a papia di "e agresion, terrorismo y expansionismo eherce pa autoridadnan israeli".

DIARIO

22207-26747 35026

WANTED TO HIRE ONE EXPERIENCED BACKHOE OPERATOR

Apply to Arendsstraat 105 in person or call 34633 between 8 - 12 noon and 1:30 - 5:00 p.m.

If you're thinking of selling your property, whether it be Residential or commercial, we'll do the work. And if it's buying you're thinking of, we'll do the search.

Call J.R. Real Estate TEL 34262/26133



Internacional



Gorbachov ta mira posibilidad di cooperacion cu Boris Yeltsin

OTTAWA, Canada -- E presidente sovietico Mikhail Gorbachov ta mira posibilidad di cooperacion cu Boris Yeltsin, e presidente nobo di e Federacion Ruso. El a expresa su spreaña Diarazon cu Yeltsin no ta hunga "un wega politico", pero cu e ta serio den su intencion pa coopera cu e presidente sovietico.

Gorbachov a haci su declaracion Diarazon na Ottawa, Canada, na e agencia di prensa sovietico TASS. Presidente Gorbachov ta na Canada pa un bishita oficial, promer cu e conferencia cumbre cu su homologo norteamericano George Bush, cu ta cuminsa awe na Washington.

Despues di e eleccion di Yeltsin como presidente di e republica sovietico mas grandi Gorbachov a bisa originalmente di ta "preocupa" pa e situacion cu a presenta su mes. Den e ul-

timo siman el a esforza su mes pa evita cu e politico radical revoltoso, lo haya e mando di e republica vital pa Union Sovietica.

Gorbachov a bisa cu el a preocupa su mes pa un confrontacion entre e partidariannan di Yeltsin y su propio militancia den e Congreso Ruso. Durante dias tabata parece cu ningun di e candidatonan tabata capaz di logra un mayoria den e eleccion pa e presidencia. "Tabata tin un impasse grandi. Mientras cu cooperacion y interaccion ta necesario pa soluciona cuestionnan dificil, en cambio tabata tin di haci cu confrontacion den e Congreso", segun Gorbachov.

"Ta di interes esencial pa combina e esfuerzonan den e Congreso Ruso pa combati e problemanan cu ta dilanti nos republica mas grandi", el a continua. "Camarada Yeltsin a splica den e ultimo dianan loque

e ta pensa di e seleccion socialista. El a bisa cu su posicion no ta diferencia di e punto di bista di e Presidente di Union Sovietica".

Reaccion Positivo

Yeltsin a wordo puntra "con e ta mira e futuro di Union Sovietica y e papel du Rusia den e desaroyo y fortalecimiento di un mancomunidad di nos pueblonan". Su reaccion tabata "positivo" y el a muestra su mes dispuesto na "cooperacion frutifero cu e Presidente y e gobierno di Union", segun Gorbachov.

Finalmente Yeltsin mes a haci un yamada pa un "concentracion di tur e corrientenan cu a origina durante e Congreso, pa soluciona e problemanan cu cual Rusia ta lucha", segun Gorbachov. Sin embargo, el a indica cu si Yeltsin solamente ta hunga un wega politico "nos lo enfrenta un tempo dificil".

Promer graduadonan di Curso den teologia



Den presencia di un grupo chikito di invitados a tuma lugar ayeratardi entrega di e promer tres diplomanan di e curso di teologia. E diplomanan a wordo entrega dor di Mgr. W. Ellis kende a bini specialmente pa e ocasion aki for di Curacao. E promer tres studiantenan cu a logra pasa e curso aki cual a tuma casi 4 aña di estudio ta: Zr. Juliette, sra. Carrol Piternella y sra. Dora Koolman. Pa Aruba esaki ta un hecho historico ya cu excepcion di dos persona aki na Aruba e tres studiantenan aki ta e promer yiunan di tera cu tin un educacion ariba e tereno aki. Dentro di e fe Cristian e relacion entre hende y Dios, E Liberador di hende. tata di Cristo Hesus ta sumamente importante. Den e ciencia di teologia ta refleha ariba e relacion entre hende y Dios. E curso durante 4 aña a contene vaknan manera introduccion den biblia, introduccion den historia di filosofia, historia di Critianismo, Dios den literatura, introduccion den psicologia di desaroyo, catechesis, teologia sistematico, etica, Cristologia, historia di iglesia den latino America sacramento y liturgia.

Cordialidad y sinceridad ta loke turistanan merece di Arubianonan sincero y honesto!